

# 鄭縣志

民國二十年八月重印

首卷

序職名凡例各圖

第一卷

天文志

第二卷

輿地志

重修鄭縣志議

民國四年

副貢

常掄元

議得鄭縣地當孔道邑處衝繁值滿清入關之後遭明季兵燹之餘故府典籍悉付灰燼知州何公錫爵收合散亡續成一書始於康熙三十一年秋七月成於康熙三十二年春三月綱舉目張燦然大備乾隆元年知州張公鉞何公源洙董公蓉郡人毛公汝銑復經重修參互考訂越六年而工竣自是厥後失修者百九十年其間天地鍾靈山川毓秀風微人往潛德不彰微顯闡幽後學有責欣逢縣長江北通儒中州循吏臨漳修志會

鄭縣志

卷之首序

一

稽古而右文榮澤下車復攷風而問俗蒞鄭兩載訟理政平近又徵輯文獻纂修清史雖爲史館資料實開鄭志先聲

紳等

伏查鄭縣文獻徵輯處經理劉君瑞璘作

史長才留心掌故數月以來纂成文獻廿餘萬言學貫典墳文通中外以之編纂鄭志實堪勝任愉快失此不修恐老成日益凋謝往事終歸湮沒

紳等

再四思維議


在高等小學校設局編輯公推劉君瑞璘爲總纂兼管編輯事項分編輯測繪書記等項臨時規定七區社長紳學兩界均爲義務採訪俟編輯告竣卽行刊板印刷

所有議設鄭志編輯局大概情形是否有當理合稟懇  
立案

鄭縣志

卷之首序

二



重修鄭縣志序

邑之有志所以重鄉土之觀念備史氏之徵輯也人莫不有鄉人莫不自愛其鄉鄉有善與已無干也見之則樂聞之則喜與人言則津津焉唯恐其不詳鄉有惡與已無干也見之則怒聞之則戚與人言則怩怩而不忍道此固出於好惡之公而實愛其鄉之深且摯也至其鄉之流風遺俗潛德幽光或撫其陳迹或觀其文字輒流連感慨不能已之於懷於是秉筆直書而一邑記載之事出焉近世大夫往往侈談瀛海而不知故里山川

鄭縣志

卷之首

序

蒐輯古史而不知百年近事非其性之獨殊也舍近圖遠易於動人聽聞而且荒渺難稽未必遽蒙指摘至於父母之邦鈞遊之地平昔所深愛而不能釋者渺然無所記述是何操術之相左也今年冬鄭縣知事王君幼侯鄭志編輯局劉君瑞璘以續修告成馳函索序並寄示首卷於余余畧觀大要知鄭志於此蓋三修矣夫修志豈務著述之名哉亦本鄉土之觀念而懼先哲昔賢淹沒弗彰若夫人情俗尚之變遷形勢封疆之沿革土宜物產之盈絀人文風化之轉移在在胥關緊要莫爲


四  
之志懼弗傳也鄭自有清之季迨民國肇造之初十載  
之中郡縣變置已再而三更上溯之宋明以前與漢晉  
隋唐之際其存沒分合有非空言所能者遑問夫祝融  
故墟東甌舊治桓公武公之經營締造子產子太叔之  
後先輝映也乎今則京漢隴海兩路軌縱橫交貫舉從  
前之山川阨塞咸變換其險夷而不可復識不急志之  
後欲從事纂修無可藉手矣不料劉君瑞璘等竟於風  
鶴頻之後滄桑屢變之餘遠紹旁搜克尋墜緒則劉君  
之厚愛其鄉爲何如也邇者汝南人士亦有以修志相  
商者余樂於贊同而未遑將事不謂劉君乃先我而爲  
之故不敢以不文自辭而爲之弁言於篇首

民國五年歲次丙辰十二月河南督軍汝南趙倜序

鄭縣志

卷之首序

二



## 重修鄭縣志序

鄭爲春秋時古鄭國地自秦犂天下爲郡縣歷代改革而鄭嘗爲州隸開封府民國元年制定省治爲兩級復以天下州郡改爲縣故鄭今以縣稱其地當南北之衝自古稱爲繁盛前清末葉軌道銜結商民輻輳財賦薈萃其繁盛尤逾於昔時余以丙辰秋來權中州取道京漢鄭爲入境首邑甫下車親見其地繁盛極思與士大夫之賢者詢其土風之美人物之盛以及禮教之淳厚政治之良善與夫因革之所宜利病之所在得有攷焉

## 鄭縣志

## 卷之首

## 序

一

以資治理而鄭之人士劉君瑞璘等續修新志適以書來請序於余余維簿書執掌不親文事者數十年自愧不克應諸君之請惟攷鄭志一修於順治再修於康熙乾隆迄今蓋百有九十年矣未有從事於志者而諸君懼其曠廢久且人事湮鬱而不彰也何以承前而繼後於是聚一邑之俊彥博採周諮攷訂編纂凡八閱月而志成嗚乎盛矣余既嘉諸君之志而因得鄭之風土人物禮俗政教因革利病以及其繁盛之所由來知守土者與邦人士之相得而爲治也吾將取以風教他縣又

六  
烏可以不文辭顧志者記也所以記一邑之事而成一  
省之治記一省之志而成國家之史國史者所以集天  
下之志而成之者也方今史館宏開馳書四出徵求天  
下文獻將以成開國之信史而垂億萬禩之大鑑而鄭  
志適成然則諸君之爲是志也足可備國史之採擇則  
又非僅余之樂觀鄭志之成而以之資一邑之治已也  
民國五年十二月河南財政廳長桐城王荃本序

鄭縣志

卷之首

序

二

重修鄭縣志序

詩亡然後春秋作作春秋所以繼詩之亡也史亡然後志書作作志書所以繼史之亡也國有一統志省有通志縣有邑志東西各國莫不列其人物風土編爲歷史以廣流傳例如周禮小行人之職以萬民之利病禮俗政教刑禁順逆爲一書太史氏掌之非徒供博覽也俾天下之爲公僕者知其民情辨其利弊克充人民圓滿之希望而已丙辰秋余權篆管城檢閱鄭志創修在順治十五年繼修在康熙三十二年迨乾隆二年知州張

鄭縣志

卷之首 序

一

鉞郡人毛汝詵重修繼任何源洙賡續告成迄今百九十年殘缺殆甚民國四年提議徵採五年設局編輯是則周前任秉彝所有事而揚瀚今日所踵而行之者也鄭在豫省著名衝繁鐵路交通官商雲集官斯土者居則治簿書兼審判出則具酬應送過客飢渴寒暑之弗恤又遑發篋陳書爲之拾遺而補缺乎幸郡人劉君瑞璘以名進士肩任總纂舉人馬雲從等分任編輯余於公牘之暇從事參訂勸付剞劂數閱月而刻竣然後鄭志之絕者續錯者正十八卷之全書於是乎成凡天文

輿地建置食貨禮樂風俗秩官自治選舉人物列女藝文各等卷井井有條朗若列眉庶前志之殘缺者不至湮沒後志之踵事者有所考訂是書也以爲後海先河乎應之曰可以爲守先待後乎應之曰亦可繼自今以往存儲必得其地職掌必得其人九欲爲他日續修計者又豈可不於是書加之意乎余譎陋不文不敢比博物君子是書之成殆賡續周前任之意如州牧何源洙賡續前任張鉞故事爲東里邑乘作討論修飾之結果云爾

鄭縣志

卷之首

序

二

民國五年歲次丙辰十一月既望知鄭縣事武昌王揚

瀚序



重修鄭縣志序

天地之變愈變愈奇世界之變愈變愈精政治之變愈變愈新執圓以求方鑿柄不相入也泥古以準今時勢不相同也舍己以從人中外不相類也習慣猶舊法制維新欲成一書而枚舉之貫串之爲一郡之史乘作北門之管鑰不其偉歟不其難歟鄭雖褊小實居天下之中其封域則梅泰廣武大河汴水所環峙也其人材則周秦博物漢唐著英所會萃也其文物則草創討論修飾潤色所表彰也其交通則京漢汴洛隴秦豫海所輻

鄭縣志

卷之首 序

一

輳也居衝握要通商惠工循是不輟當有可與天津上海並駕爭衡之勢余不文嘗從事扶溝縣志丙辰冬由鹿邑調任鄭縣郡人大文學家劉君瑞璘以鄭志全稿示余余歎曰此傑作也百九十年少有爲之者自古作史難作志尤難蓋總覈始末鑒別去取非可率爾爲也余於政務之暇披閱數次不揣固陋詳加參訂凡天文輿地建置食貨禮樂風俗秩官自治選舉人物列女藝文羣分類聚壁壘一新爰於冬十一月在鄭志編輯局開會審查勸付梓人父老應之曰善雖然余爲邦之人

士進一說馬易曰窮則變變則通論語曰齊一變至於魯魯一變至於道西人亦以研究歷史爲改良社會不二法門際此過渡時代亞雨歐風捲天蓋地非刷新政治萬萬不能生存但教育未加擴充智識尙屬淺薄往往欲辦一事甲派贊成乙派反對急於脫化及致退化循序漸進未有不登峯造極者余家北陳去鄭二百餘里柝相聞壤相接風俗相同雖曰忝握鄭篆以鄉誼論實桑梓也凡有建設知無不爲總求不悖舊習漸趨新法庶幾合乎窮變通久之大要也然則是書之成雖不敢鄭縣志

卷之首 序

二

居班馬之例未始非齊變至魯魯變至道之方軌而東里改良管城歷史之一助云爾  
民國五年歲次丙辰季冬上旬知鄭縣事扶溝縣王光

第序

重修鄭縣志序

甲午之役予差次美陽得讀康對山武功縣志愛不釋手甲辰改選燕趙奉北洋大臣命赴東洋攷查政治得讀黃公度日本國志豁心爽目寢食與俱對觀兩書極深研究凡採其歌謠詢其民俗編之行人掌之太史所以察民情崇民意者既如此其詳且盡也民國成立歸賦卷懷檢閱鄭志殘缺有間計自乾隆乙丑州牧張公鉞何公源洙董公蓉郡人毛公汝銳重修後迄今百九十年無人續志鄭雖褊小素號衝繁近者鐵路交通人物輻輳若聽其湮沒未免興華黍由笙之歎也四年春政府設立清史館通告各省徵輯文獻吾鄭同人四出採訪三閱月而蕝事縣長周君海六提倡修志同人推予爲編纂予以固陋辭同人曰嘻子過矣必有康對山而後可以志武公必有黃公度而後可以志日本世界上之紀載恐將無人下筆矣爰於五年春三月設局編輯凡天文輿地建置食貨禮樂風俗秩官自治選舉人物列女藝文舊日案卷夕陽碑碣詢厥父老訪之縉紳罔不搜而集之八閱月而編纂竣王君幼侯以大法政

鄭縣志

卷之首

序

一


家蒞任縣事詳加參訂亟付棗梨舊志為類凡九茲增  
 為類十二舊志為卷十二茲增為卷十八余見東洋士  
 夫能讀中國之書談中國之事中國士夫好談古義日  
 本與我僅隔一衣帶水視之若海外神仙可望而不可  
 即維新而後世之所謂新人物者則又崇拜外人忘却  
 祖國詢以故土鄉風如汴宋之於幽燕直隔十重雲霧  
 由前之說故見自封是失之隘由後之說新學自命是  
 失之夸無惑乎吾國日日改良而國計民生未見其進  
 步也是書也不敢居著述之列竊願吾鄉之講文學者  
 放大其眼光注意其桑梓治內安外兩不偏廢未始非  
 泰山土壤河海細流之一助云爾

鄭縣志

卷之首 序

二

中華民國五年歲次丙辰冬十一月壬辰進士歷任陝  
 西醴泉華陰咸甯同官直隸欒城等縣知縣東里劉  
 瑞璘序



鄭縣志目錄

首卷

職名 凡例 各圖

第一卷

天文志

角宿 亢宿 角宿雜座 亢宿雜座

角宿占候 亢宿占候 祥異

第二卷

輿地志

鄭縣志

卷之首

目錄

一

沿革 疆域 形勝 山川 岡阜

陂澤 溝洫 堤防 古蹟 陵墓

第三卷

建置志

城池 公署 黌宮 學校 坊表

街衢 壇壝 祠廟 集鎮 七區屯砦

倉廩 郵政 郵政 營堡 橋梁

各機關

第四卷

食貨志

戶口 地畝 田賦 漕米 雜稅

鹽引 國家款 地方款 灘地 土產

第五卷

禮樂志

慶賀 南郊祀天禮節 迎春 耕藉

先農壇 孔廟禮節 關岳廟禮節

第六卷

風俗志

鄭縣志

卷之首

目錄

二

正月朔日 立春 上元 二月二日

二月十五 三月清明 三月十八

三月二十 立夏 四月八日

五月五日 芒種 六月六日 立秋

七月十五 七月三十 八月十五

九月九日 霜降 十月一日 立冬

冬至 十二月八日 十五日

二十三日 除夕

第七卷

秩官志

知州 縣知事附 同知 裁州判 裁吏目 管獄員附

學正訓導 縣視學並文廟奉祀官附 管城驛 裁

名宦 城守營 警務長警備隊附 陰陽學

醫學 僧正司 道正司

第八卷

自治志

參事會 議事會 七區保衛團

區議事會 區董事會 教育會

鄭縣志

卷之首 目錄

三

公款局 商務會

第九卷

選舉志

進士 舉人 貢生 保舉文武職

武進士 武舉 封爵 廕襲

學校畢業 議員

第十卷

人物志

名賢 孝子 忠義

第十一卷

人物志

政事

耆德

善行

文學

武功

隱逸

方技

流寓

仙釋

第十二卷

列女志

烈婦

烈女

孝婦

節婦

第十三卷

列女志

鄭縣志

卷之首

目錄

四

節孝未旌

第十四卷

藝文志

制誥附命令疏

檄

第十五卷

藝文志

議傳

第十六卷

藝文志